



TANLOV HUJJATLARI

(“Milliy PR-markazi” DUKning “Travel show” ko’rsatuvini suratga olish va ijtimoiy tarmoqlar orqali yoritish bo’yicha eng yaxshi takliflarni tanlash)

Buyurtmachi: “Milliy PR-markazi” DUK

Kiritildi:

“Raqamli targ’ibot” bo’limi boshlig’i

N.Serdina
N.Serdina

Kelishildi:

Direktor o’rinbosari

A. Ravshanov
A. Ravshanov

Tanlov hujjatlari tuzilmasi:

- 1) Tanlov bo’yicha e’lon berish uchun ma’lumot;
- 2) Hisob-kitoblar valyutasi va to’lov tartibi to’g’risida ma’lumot;
- 3) Tanlovda qatnashish uchun taklif qaysi tilda tayyorlanishi zarurligiga oid talablar;
- 4) Ishtirokchilarga eng yaxshi takliflarni tanlash hujjatlarining qoidalariga oid tushuntirishlar berishning tartibi, boshlanishi va tugatilish sanalari;
- 5) Agar mahsulot (ish, xizmat) uchun muqobil variantlarga yo’l qo’yilsa, lotni almashtirish uchun muqobil takliflarni baholash tartibining tavsifi;
- 6) Texnik topshiriq;
- 7) Ishtirokchilar takliflarini baholash mezonlari va ko’rib chiqish tartibi;
- 8) Shartnoma loyihasi.

1. Tanlov o’tkazilishi haqida e’lon berish uchun ma’lumot

1.1. Xizmatning tavsifi:	Markazning buyurtmasiga asosan “Travel show” ko’rsatuvini suratga olish va ijtimoiy tarmoqlar orqali yoritish.
1.2. Xizmat narxi:	Shartnomaning umumiy summasi QQS bilan birga 1 000 000 000 (bir milliard) so’mni tashkil etadi.
1.3. Tanlov o’tkaziladigan joy manzili	Buyurtmachining manzili: <i>Toshkent sh., Mirobod tumani, Oybek, 18-uy</i>
1.4. Tanlov ishtirokchilariga qo’yiladigan talablar:	<ol style="list-style-type: none"> 1) Faoliyat yuritish huquqi uchun ruxsatnomaning (zarur hollarda), shuningdek xizmatlarning xalqaro standartlarga javob berishini tasdiqlovchi amaldagi sertifikatning mavjudligi; 2) Davlat tashkilotlari bilan ishlash tajribasining mavjudligi; 3) Davlat budjetiga soliqlar va majburiy to’lovlar bo’yicha qarzdorlikning mavjud emasligi; 4) O’zining shaxsiy professional asbob-uskunalarga, texnik vositalariga hamda malakali mutaxassislariga ega bo’lish.
1.5. Aloqa qiluvchi shaxslarning to’liq ism shariflari, lavozim va manzili:	M.Saydametov – Moliya va iqtisodiyot bo’limi Bosh hisobchisi v.v.b. tel: +998 97 761 91 11 N.Serdina - Raqamli targ’ibot bo’limi boshlig’i, tel.: +998 97 760 18 44; <i>Toshkent shahri, Mirobod tumani, Oybek, 18-uy.</i>
1.6. Takliflarni qabul qilishning	Boshlanishi: “ ” 2022-yil

oxirgi sanasi va vaqti:	Tugash vaqti: “ ” 2022-yil
1.7. Tanlovda ishtirok etish to‘g‘risidagi taklifga qo‘yiladigan talablar:	
<p>1) Tanlov ishtirokchilariga o‘z takliflarini ishtirokchining vakolatli shaxsining elektron raqamli imzosi bilan tasdiqlangan holda taqdim etishlari tavsiya qilinadi.</p> <p>2) Taklif e‘londa ko‘rsatilgan shartnomani bajarish uchun zarur bo‘lgan texnik, moliyaviy, moddiy, kadrlarga oid va boshqa resurslar mavjudligi to‘g‘risidagi ma‘lumotlarni o‘z ichiga olgan texnik va tijorat takliflari bo‘lishi kerak.</p> <p>3) Taklifda ishtirokchilar davlat xaridlari ob‘ekti bo‘lgan eskiz, rasm, fotosurat, namuna, tovar namunalarini taqdim etishlari mumkin.</p> <p>4) Tanlov ishtirokchisi bitta lot bo‘yicha faqat bitta taklifni taqdim etish huquqiga ega.</p> <p>5) Tanlov ishtirokchisi taqdim etilgan ma‘lumotlar va hujjatlarning haqiqiyliigi va ishonchligi uchun javobgardir.</p> <p>6) Tanlov ishtirokchisi o‘zi taqdim etgan taklifni bunday takliflarni taqdim etish uchun belgilangan muddati tugunga qadar qaytarib olish yoki o‘zgartirish huquqiga ega emas.</p> <p>7) Takliflarni qabul qilish portalga qo‘yilgan e‘londa nazarda tutilgan muddat kelishi bilan tugatiladi.</p> <p>8) Tanlov ishtirokchisi buyurtmachiga, tanlov to‘g‘risidagi e‘londa nazarda tutilgan shaklda, tanlov hujjatlari qoidalariga aniqlik kiritish to‘g‘risida so‘rov yuborish huquqiga ega.</p> <p>9) Ko‘rsatuvlarni suratga olish hamda ishlab chiqazish bo‘yicha loyihalarini taqdim etish (Portfolioda ko‘rsatilgan loyihalarni aynan unikiligini isbotlab beruvchi hujjatlarni taqdim etish).</p> <p>10) Ijodiy jamoa tarkibida muharrir lavozimida oliy ta‘lim diplomiga jurnalistlar mavjudligini ko‘rsatish (O‘zbek va rus tilida tahrir qilaoladigan mutaxassis)</p> <p>11) Ijodiy jamoa tarkibida mahsus effektlar bo‘yicha mutaxassis va animatorlar mavjudligi va uning malakasini tasdiqlovchi ishlarini taqdim etish (Portfolio)</p> <p>12) Suratga olish guruhi: muharrir, rejissyor, operator, prodyuser/administrator, animator-grafist, montaj ustasi, loyiha rahbari, marketolog, dublyaj ustasi</p> <p>13) Texnik jihozlar akkumulyator va quvvatlantirgich, 3ta kamera, 2 ta kameralik uchar moslama, petlichniy mikrofon, planshet, stabilizator, yorituvchi uskunalar, montaj uchun kompyuter, shtativ singari kamida 24 nomdagi predmetni o‘z ichiga olishi lozim.</p>	
1.8. Ko‘rsatuvning umumiy soni: 10 (o‘n) dona	
1.9.Shartnoma muddati: Shartnomaning amal qilish muddati 31.12.2023 yil, ishni bajarish muddati, ko‘rsatuvning har bir sonini ishlab chiqish (suratga olish, dublyaj va h.k) muddati 30 kun.	
1.10.Shartnomaning umumiy bahosi: 1 000 000 000 (bir milliard) so‘mni (<i>QQS solig‘i qo‘shilgan holda</i>) tashkil etadi.	

2.Hisob-kitoblar valyutasi va to‘lov tartibi

2.1. To‘lov (shartnoma) valyutasi - so‘m;

2.2. To‘lov tartibi: O‘zbekiston Respublikasining “Davlat xaridlari to‘g‘risida” gi qonuniga (47-modda) muvofiq shartnoma to‘g‘risidagi ma‘lumotlar shartnomalar reestriga kiritilganidan keyin har bir buyurtma uchun 10% miqdorida oldindan to‘lov, qolgan 90 % har bir buyurtma bo‘yicha ishlarni topshirish-qabul qilish dalolatnomasiga binoan buyurtmachi tomonidan ishlar qabul qilinganidan keyin 7 (yetti) ish kuni ichida to‘lanadi.

3.Tanlov uchun taklif qaysi tilda tayyorlanishi zarurligiga oid talablar:

3.1. Ishtirokchining tanlov bo‘yicha takliflari davlat tilida (o‘zbek) tayyorlanadi va taqdim etiladi.

4. Ishtirokchilarga tanlov hujjatlarining qoidalariga oid tushuntirishlar berishning tartibi, boshlanishi va tugatilish sanalari

4.1. Tanlov ishtirokchisi buyurtmachiga, eng yaxshi takliflarni tanlash haqidagi e'londa ko'rsatilgan shaklda, eng yaxshi takliflarni tanlash hujjatlarining qoidalariga aniqlik kiritish to'g'risida so'rov yuborish huquqiga ega.

4.2. Buyurtmachi so'rovni olgan kundan boshlab ikki ish kuni ichida, agar so'rov takliflar yuborishning e'londa belgilab qo'yilgan oxirgi muddatidan kamida ikki kun avval kelib tushgan bo'lsa, tanlov hujjatlari qoidalariga oid tushuntirishlarni yuborishi shart.

5. Agar mahsulot (ish, xizmat) uchun muqobil variantlarga yo'l qo'yilsa, lotni almashtirish uchun muqobil takliflarni baholash tartibining tavsifi

5.1. Muqobil xizmat variantlariga yo'l qo'yilmaydi.

6. Texnik topshiriq

UMUMIY TALABLAR	
Ishlab chiqarishning maqsadi	Yurtimizning turistik salohiyatini xorijiy va milliy OAVlarda, shuningdek ijtimoiy tarmoqlarda keng targ'ib etish maqsadida "Travel show" ko'rsatuvini suratga olish.
Maqsadli auditoriya	Keng jamoatchilikka mo'ljallangan
Ko'rsatuvdan foydalanish	Ko'rsatuvlarni quyidagi hollarda qo'llash mumkin: 1. Ko'rgazmalarda, konferensiyalarda, uchrashuvlarda; 2. Mahalliy va chet ellik saytlarda, reklamalarda 3. Markazning ijtimoiy tarmoqlarida
Til	Ko'rsatuvlar uch tilga dublyaj qilingan holda bo'lishi (o'zbek, rus, ingliz) hamda Fransuz, Nemis, Ispan, Xitoy, Arab, Turk, Yapon, Fors, Hind tillariga subtitrlar ishlab chiqishi shart
Ko'rsatuvning o'ziga xosligi	Ko'rsatuvdagi ma'lumotlar uchun to'liq javobgarlik muallifga yuklatiladi.
Ijrochini tanlash bosqichlari	<p>1. Muallif tomonidan ishlab chiqilgan ko'rsatuvlar suratga olingan roliklar hamda ishlab chiqazilgan loyihalarini taqdim etish (Portfolioda ko'rsatilgan loyihalarni aynan unikaligini isbotlab beruvchi hujjatlarni taqdim etish).</p> <p>2. 10 oy uchun batafsil xarajatlar, ishchi guruh transport, turar joy va ovqatlanish smetasini taqdim etish.</p> <p>3. Ijodiy jamoa tarkibida muharrir lavozimida oliy ta'lim diplomiga jurnalistlar mavjudligini ko'rsatish (O'zbek va rus tilida tahrir qilaoladigan mutaxassis).</p> <p>4. Ijodiy jamoa tarkibida mahsus effektlar bo'yicha mutaxassis va animatorlar mavjudligi va uning malakasini tasdiqlovchi ishlarini taqdim etish (Portfolio).</p> <p>5. Suratga olish guruhi: muharrir, rejissyor, operator, prodyuser/administrator, animator-grafist, montaj ustasi, loyiha rahbari, marketolog, dublyaj ustasi bo'lishi kerak.</p> <p>6. Suratga olish guruhi tarkibida "YouTube" ijtimoiy tarmog'ida taniqli hamda o'zining muvaffaqiyatli loyihalariga ega boshlovchi bo'lishi lozim.</p> <p>7. Texnik jihozlar akkumulyator va quvvatlantirgich, 3ta kamera, 2 ta kameralik uchar moslama, petlichniy mikrofon, planshet, stabilizator, yorituvchi uskunalar, montaj uchun kompyuter, shtativ singari kamida 24 nomdagi predmetni o'z ichiga olishi lozim.</p> <p>8. Ijodiy jamoa portfoliosida davlat tashkilotlari buyurtmasiga asosan ijtimoiy videoroliklar (shu jumladan animatsion) bo'lishi shart.</p>

Ko'rsatuvni ijtimoiy tarmoqlarda yoritish	Youtube, Telegram, Facebook, Instagram kabi ijtimoiy tarmoqlarda ko'rsatuv targ'ibot ishlarini amalga oshirish.
LOYIHANING TAXMINIY MIQDORI	
1 000 000 000 (bir milliard) so'm	
ISHLARNI BAJARISH MUDDATI	
Oldindan to'lov amalga oshirilganidan boshlab 7 kun.	

7. Ishtirokchilar takliflarini baholash mezonlari va ko'rib chiqish tartibi.

7.1. Takliflarni qabul qilish muddati tugagandan so'ng, Xarid komissiyasi tanlov hujjatlarida ko'rsatilgan talablarga javob beradigan kamida ikkita taklifni olgan bo'lsa, tanlov o'tkazilgan hisoblanadi.

7.2. Tanlovda bitta ishtirokchi qatnashgan bo'lsa yoki hech kim qatnashmagan bo'lsa, Tanlov haqiqiy emas deb topiladi. Bunday holda, buyurtmachi yana aynan bir xil shartlarda va xizmatlarga (ishlarga, tovarlarga) nisbatan bir xil mezon va talablar bilan qayta Tanlov o'tkazishi mumkin.

7.3. Agar Tanlov hujjatlari shartlarini o'zgartirmasdan takroriy Tanlov o'tkazilsa, takroriy Tanlov to'g'risida e'lon takliflarni qabul qilish muddatidan kamida besh kun oldin joylashtiriladi. Agar xizmat (ish, mahsulot) uchun shartlarni, baholash mezonlarini va talablarini o'zgartirish zarur bo'lsa, Xarid komissiyasi asoslantirilgan tegishli qaror qabul qiladi.

7.4. Tanlov ishtirokchilarining takliflari joylashtirilgan konvertlarni ochish Xarid komissiyasi yig'ilishida amalga oshiriladi.

7.5. Tanlov ishtirokchilarining takliflarini ko'rib chiqish va baholash muddati takliflarni topshirish tugagan kundan boshlab o'n kundan oshmasligi kerak.

7.6. E'londa Tanlov o'tkaziladigan vaqt sifatida belgilangan vaqtda, takliflarni baholash bo'yicha Xarid komissiyasi tomonidan takliflar joylashtirilgan konvertlar birma-bir ochiladi. Tanlov ishtirokchisining vakolatli vakili konvertni ochish jarayonida qatnashish huquqiga ega.

7.7. Konvertni ochishda undagi barcha hujjatlarning mavjudligi va ularning rasmiylashtirilishining to'g'riligi tekshiriladi. Konvertda tegishli hujjatlar bo'lmagan taqdirda, Xarid komissiyasi ushbu taklifni ko'rib chiqish va baholash uchun kiritmaslik huquqiga ega.

7.8. Takliflar joylashtirilgan konvertlarni ochish jarayoni eng Tanlov ishtirokchilari tomonidan fotosuratlar va / yoki videotasvirga olinishi mumkin. Konvertlarni ochish jarayonida taqdim etilgan barcha hujjatlar va ishtirokchilar tijorat takliflarining narxlarini e'lon qilinadi.

7.9. Taklifni taqdim etgan ishtirokchi qonunchilikda belgilangan talablarga javob bermasa, yoki Tanlov ishtirokchisining taklifi Tanlov hujjatlari talablariga javob bermasa Xarid komissiyasi bunday taklifni rad etadi.

7.10. Xarid komissiyasi rad etilmagan takliflarni Tanlov g'olibini aniqlash uchun Tanlov hujjatlarida ko'rsatilgan mezonlarga asoslanib baholaydi.

7.11. Tanlov takliflarini baholash uchun Xarid komissiyasi ekspertlar va Xarid komissiyasi a'zolaridan iborat baholash guruhini tuzishga haqlidir.

7.12. Taklif qonunchilik va eng yaxshi takliflarni tanlash talablariga javob bersa, tegishli ravishda rasmiylashtirilgan deb tan olinadi.

7.13. Eng yaxshi takliflarni tanlash takliflarini baholash paytida Xarid komissiyasi talabgorlardan ularning takliflariga nisbatan tushuntirishlar talab qilishga haqli.

7.14. Tanlov taklifi tanlov hujjatlarida ko'rsatilgan muddat davomida amal qiladi.

7.15. Konvertlarni ochishda Xarid komissiyasi talabgorlarning malakaviy ma'lumotlarini o'rganadi va tanlov taklifining texnik va narx qismiga baho beradi. Tanlov taklifining texnik va narx qismini baholash bo'yicha Xarid komissiyasining qarori Tanlov g'olibini aniqlash to'g'risidagi bayonnomada qayd etiladi.

7.16. Tanlov hujjatlari va taklifida ko'rsatilgan mezonlarga asosan shartnomani bajarish uchun eng yaxshi shartlarni taklif qilgan ishtirokchi Tanlov g'olibi hisoblanadi.

8. Shartnoma loyihasi:

Shartnoma

(ko'rsatuvni suratga olish va ijtimoiy tarmoqlar orqali yoritishga oid)

Toshkent sh.

«____»_____2022-y.

O'zbekiston Respublikasi Turizm va madaniy meros vazirligi huzuridagi "Milliy PR-markazi" DUK (keyingi o'rinlarda "Buyurtmachi" deb yuritiladi) nomidan Ustav asosida ish yurituvchi direktor Samandarova D.M. bir tomondan va keyingi o'rinlarda "Ijrochi" deb nomlanuvchi _____ nomidan _____ asosida ish olib boruvchi _____ ikkinchi tomondan, keyinchalik matnda birgalikda va/yoki alohida "TOMONLAR" deb yuritiladi, 2022-yil __-____dagi "Milliy PR-markazi" DUK Xarid komissiyasi yig'ilishining ____ - son bayoniga muvofiq maxsus axborot portali (<https://xarid.uzex.uz/uz>) da e'lon qilingan Tanlov natijalari bo'yicha (lot raqami _____) mazkur haq evaziga xizmat ko'rsatish (ish bajarish) to'g'risidagi Shartnoma (keyingi o'rinlarda – Shartnoma)ni quyidagilar haqida tuzdilar:

1.SHARTNOMA MAZMUNI

1.1. Ushbu Shartnomaga ko'ra Ijrochi Buyurtmachining ko'rsatma va topshiriqlariga binoan Buyurtmachining "Travel show" ko'rsatuvini suratga olish va ijtimoiy tarmoqlar orqali yoritishga oid ishlarni (keyingi o'rinlarda "Ishlar" deb yuritiladi) bajarish majburiyatini o'z zimmasiga oladi. Buyurtmachi esa bajarilgan ishlarni qabul qilib olish va haqini to'lash majburiyatini oladi.

1.2. Ijrochi tomonidan bajariladigan ishlarning tasnifi Shartnomaning ajralmas qismi hisoblanuvchi Texnik topshiriq (1-Ilova)da belgilanadi.

1.3. Loyiha doirasida yaratilgan barcha mualliflik huquqi obyektlariga nisbatan mualliflik huquqiga Markaz egalik qiladi.

2.ISHLAR NARXI VA HISOB-KITOB TARTIBI

2.1. Shartnoma imzolanganidan va O'zbekiston Respublikasining "Davlat xaridlari to'g'risida"gi qonuniga (47-modda) muvofiq shartnoma to'g'risidagi ma'lumotlar shartnomalar reestriga kiritilganidan keyin, Buyurtmachi har bir buyurtma uchun 3 (uch) kun ichida bajariladigan ishlar uchun Ijrochining hisob raqamiga mazkur Shartnomaning 2.3.bandida ko'rsatilgan summaning 10 % i miqdorida oldindan to'lovni o'tkazib beradi. Summaning qolgan 90 % qismi taqdim etilgan hisob-fakturaga asosan, hisob faktura taqdim etilgan sanadan boshlab 3 (uch) kun ichida to'lanadi.

2.2. Mazkur Shartnoma yuzasidan to'lovlar Buyurtmachi tomonidan Ijrochining hisob raqamiga pul o'tkazish yo'li bilan amalga oshiriladi.

2.3. Shartnomaning umumiy bahosi **QQS bilan** _____ (_____) **so'mni** tashkil etadi va har bir buyurtmaning bahosi mazkur Shartnomaning ajralmas qismi bo'lib hisoblanuvchi 2-ilovaga ko'ra aniqlanadi.

2.4. Ishlarni bajarish muddati mazkur Shartnomaning 2.1.bandiga muvofiq har bir buyurtma uchun oldindan to'lov amalga oshirilgan kundan boshlab 7 (yetti) kunni tashkil etadi.

3. TOMONLARNING HUQUQ VA MAJBURIYATLARI

3.1.Ijrochining majburiyatlari:

- 3.1.1. Shartnomaning 1.2.bandida nazarda tutilgan ishlarni vijdonan va o'z vaqtida bajarish;
- 3.1.2. O'zbekiston Respublikasining amaldagi qonunchiligiga muvofiq Ishlarni bajarish uchun ruxsat beruvchi hujjat(lar)ning nusxasini taqdim etish;
- 3.1.3. Shartnoma mazmunining hamda Buyurtmachidan Ijrochiga ma'lum bo'lgan boshqa har qanday ma'lumotlarning qat'iy maxfiylikiga rioya qilish.
- 3.1.4. Buyurtmachiga Ijrochining Shartnoma bo'yicha majburiyatlarini bajarishga har qanday ta'sir ko'rsatishi mumkin bo'lgan holatlar to'g'risida, shuningdek Ishlarni bajarishdan Buyurtmachi uchun yuzaga kelishi mumkin bo'lgan salbiy oqibatlar to'g'risida xabar berish;
- 3.1.5. Agar biron bir sababga ko'ra Ishlarni bajarishning iloji bo'lmasa, bu haqda darhol Buyurtmachiga xabar berish;
- 3.1.6. Ishlarni bajarish jarayonida Ijrochi Shartnoma shartlarini buzgan taqdirda yoki Buyurtmachining talablariga javob bermaydigan ishlar bajarilganda, Buyurtmachining talabiga ko'ra aniqlangan barcha kamchiliklarni bepul barTomon etish.
- 3.2. Ijrochi quyidagi huquqlarga ega:
- 3.2.1. Buyurtmachidan ushbu Shartnomaga ko'ra Ishlarni bajarganlik uchun haq o'z vaqtida to'lanishini talab qilish;
- 3.2.2. Ishlar bajarilishini ta'minlash uchun uchinchi shaxslarni jalb qilish. Bunda majburiyatlarning uchinchi shaxslar tomonidan bajarilishi Ijrochini mazkur Shartnoma shartlarining bajarilishi bilan bog'liq javobgarlikdan ozod qilmaydi;
- 3.3. Buyurtmachi majburiyatlari:
- 3.3.1. Ijrochi bilan Ishlarni bajarish muddatlarini kelishish va tasdiqlash;
- 3.3.2. Ishlar bahosi bo'yicha to'lovlarni o'z vaqtida amalga oshirish.
- 3.3.3. Ijrochi tomonidan bajarilgan Ishlarni ishlar bajarilganligi to'g'risidagi dalolatnomalarga ko'ra qabul qilib olish;
- 3.3.4. Ishlar bajarilganligi to'g'risidagi dalolatnoma taqdim qilingan kundan keyingi kundan boshlab 7 (yeti) ish kuni ichida e'tirozlar bildirilmagan taqdirda Ishlar Buyurtmachi tomonidan qabul qilingan hisoblanadi.
- 3.4. Buyurtmachi quyidagi huquqlarga ega:
- 3.4.1. Shartnoma shartlariga muvofiq o'z vaqtida va sifatli xizmat ko'rsatilishini talab qilish;
- 3.4.2. Ishlar bajarilishining borishi to'g'risida Ijrochidan ma'lumot olish;
- 3.4.3. Shartnomada va O'zbekiston Respublikasining amaldagi qonunchiligida nazarda tutilgan hollarda Shartnomani bekor qilish.

4. TOMONLAR JAVOBGARLIGI

- 4.1. Tomonlar Shartnoma bo'yicha o'z majburiyatlarini bajarmagan yoki lozim darajada bajarmaganliklari uchun O'zbekiston Respublikasining amaldagi qonunchiligiga muvofiq javobgar bo'ladilar.
- 4.2. Ijrochi tomonidan Shartnomaning 3.1-bandida ko'rsatilgan majburiyatlar bajarilmagan yoki lozim darajada bajarilmagan va/yoki Ijrochi tomonidan Ishlar lozim darajada bajarilmagan taqdirda, Ijrochi kechiktirilgan har bir kun uchun Ishlar umumiy bahosining 0,01 foizi hisobidan, biroq Ishlar umumiy bahosining 50 foizidan ko'p bo'lmagan miqdorda jarima to'laydi.
- 4.3. Ijrochining bajargan Ishlari uchun to'lovlarni amalga oshirish muddati buzilgan taqdirda, Buyurtmachi to'lovning kechiktirilgan har bir kuni uchun to'lanmagan summaning 0,01 foizi miqdorida, biroq Ishlar bahosining 50 foizidan ko'p bo'lmagan miqdorda jarima to'laydi.
- 4.4. Jarimani to'lash Tomonlarni Shartnoma yuzasida o'z majburiyatlarini bajarishdan ozod qilmaydi.
- 4.5. Ushbu Shartnomadan kelib chiqadigan barcha nizolar, agar ular muzokaralar yo'li bilan hal etilmagan bo'lsa, T oshkent tumanlararo iqtisodiy sudida hal qilinadi.

5. KORRUPSIYAGA QARSHI SHARTLASHUV

5.1. Tomonlar O'zbekiston Respublikasining normativ-huquqiy hujjatlaridagi Korruptsiyaga qarshi tegishli shartlar va talablardan, korruptsiyaga oid huquqbuzarliklarni sodir etganlik uchun javobgarlikning muqarrarligidan xabardor ekanliklarini kafolatlaydilar.

5.2. Tomonlar ushbu Shartnoma majburiyatlarini bajarish chog'ida o'z vakillari (xodimlari) tomonidan manfaatlar to'qnashuviga olib keladigan yoki olib kelishi mumkin bo'lgan shaxsiy manfaatdorlikka yo'l qo'ymaslik choralarini ko'radilar.

5.3. Mazkur Shartnoma yuzasidan majburiyatlarni bajarishda Tomonlar, ularning affillangan shaxslari, xodimlari yoki vositachilari O'zbekiston qonunchiligiga ko'ra pora berish/pora olish, tijoriy pora berish deb baholanuvchi, shuningdek, O'zbekiston Respublikasi qonunchiligi talablarini har qanday ravishda buzuvchi xatti-harakatlarni sodir etmaslik majburiyatini oladilar.

ë

6. FORS-MAJOR HOLATLARI

6.1. Majburiyatlarni bajarmaganlik yoki lozim darajada bajarmaganlik uchun javobgarlikdan, Tomonlar, agar bu favqulodda vaziyatlar oqibatida yuzaga kelganligini isbotlasalar, ozod qilinadilar.

6.2. Favqulodda vaziyatlar yuzaga kelgan taqdirda, Shartnomaning amal qilish muddati ushbu favqulodda vaziyatlarning davomiyligiga qarab tegishli davrga uzaytiriladi.

7. SHARTNOMA MUDDATI

7.1. Ushbu Shartnoma Tomonlar imzolaganlaridan boshlab kuchga kiradi va 2023-yilning 30-aprelgacha amal qiladi.

8. BOSHQA SHARTLAR

8.1. Tomonlar ushbu Shartnomaning shartlarini to'g'ri bajarish uchun va amaldagi qonunchilikka muvofiq, mazkur Shartnomada, uning ilovalari va hisob fakturalarda keltirilgan o'z shaxsiy ma'lumotlarining qayta ishlanishi, tarqatilishi va ulardan foydalanilishiga o'zlarining roziliklarini berdilar.

8.2. Tomonlarning shaxsiy ma'lumotlaridan uchinchi shaxslarning foydalanishiga faqatgina amaldagi qonunchilikda aniq belgilangan hollardagina yo'l qo'yiladi.

8.3. Shartnoma imzolangan paytdan boshlab kuchga kiradi va Tomonlar o'z majburiyatlarini to'liq bajargunlariga qadar amal qiladi, bunda Buyurtmachi Ishlar bahosini to'liq to'lagandan so'ng, uning majburiyatlari to'liq bajarilgan hisoblanadi, shuningdek Ijrochi Buyurtmachining topshirig'i va ko'rsatmalari asosida Ishlarni to'liq bajargan taqdirda, uning majburiyatlari to'liq bajarilgan hisoblanadi.

8.4. Shartnomaga kiritilgan barcha o'zgartirishlar va qo'shimchalar yozma ravishda rasmiylashtiriladi, Tomonlar tomonidan imzolanadi va Shartnomaning ajralmas qismi hisoblanadi.

8.5. Shartnoma Tomonlarning kelishuvi bilan, shuningdek Shartnomada va O'zbekiston Respublikasining amaldagi qonunchiligida nazarda tutilgan boshqa hollarda bekor qilinishi mumkin.

8.6. Shartnomada ko'zda tutilmagan barcha holatlarda Tomonlar O'zbekiston Respublikasining amaldagi qonunchiligiga tayanadilar.

8.7. Mazkur Shartnoma 2 asl nusxada o'zbek tilida tuzildi va Tomonlarning har birida bir nusxadan saqlanadi.

TOMONLARNING REKVIZITLARI, MANZILI VA IMZOLAR:

Buyurtmachi:

“Milliy PR-markazi” DUK

Manzil: Toshkent shahri,
Oybek ko‘chasi 18-uy
H/r: 2021 0000 9043 0313 1001
Bank: “Kapitalbank” ATB
Labzak filiali
MFO: 01088, STIR: 204 799 073,
OKED 79900

D.M.Samandarova

Bajaruvchi:

